



სპორტის  
სამინისტრო



## KUTAISI OPEN 2026

ზურაბ ლეჟავას სახელობის  
31-ე საერთაშორისო ტურნირი კარატეში  
20-21 ივნისი, 2026

დებულება დამტკიცებულია საქართველოს სპორტული კარატეს  
ეროვნული ფედერაციის გამგეობის მიერ

ა(ა)იპ საქართველოს სპორტული კარატეს ეროვნული ფედერაცია, ს.კ.: 405562500  
მის.: უნივერსიტეტის ქ. #15ა, 0186 თბილისი, საქართველო



ბატონი თემურ გიგნაძე,  
საქართველოს სპორტული კარატეს ეროვნული  
ფედერაციის პრეზიდენტი.

---

---

### მისასალმებელი სიტყვა

ძვირფასო მეგობრებო,

სიხარულით მივსალმები ზურაბ ლეჟავას სახელობის კარატეს 31-ე საიუბილეო საერთაშორისო ტურნირს, Kutaisi Open 2026, კეთილი იყო თქვენი მობრძანება ქუთაისში, საქართველოს ერთ-ერთ გამორჩეულ და უძველეს ქალაქში.

საერთაშორისო ასპარეზობა კარატეში Kutaisi Open 2026 არის მნიშვნელოვანი სპორტული ღონისძიება საქართველოში, რომელიც აერთიანებს სპორტსმენებს, დაწყებული 6-7 წლის ასაკიდან.

მოხარული ვარ ვუმასპინძლოთ კარატეს მოყვარულებს სხვადასხვა ქვეყნებიდან.

ასპარეზობის მიზანია კარატეს განვითარება რეგიონში, სპორტში ბავშვებისა და ახალგაზრდების ჩართულობის მოტივაცია და საერთაშორისო სპორტული კავშირების გაღრმავება. ამიტომაც, მას განსაკუთრებული ადგილი უჭირავს ჩვენი ქვეყნის სპორტულ კალენდარში.

ასეთი ტურნირები ხელს უწყობენ სპორტსმენების პროფესიულ ზრდას, გამოცდილების გაზიარებას და კულტურათა შორის კომუნიკაციის გაუმჯობესებას. ამიტომაც Kutaisi Open არის შესანიშნავი პლატფორმა იმისათვის, რომ სპორტსმენები, მწვრთნელები, მსაჯები გაეცნონ ერთმანეთს, ივარჯიშონ ერთად, გაუზიარონ ერთმანეთს გამოცდილება და დაამყარონ ახალი მეგობრული კავშირები.

მსურს გულწრფელი მადლობა გადავუხადო ორგანიზატორებს, სპონსორებს, მწვრთნელებს, ათლეტებს და ყველა მონაწილეს, რომელთა დაუღალავი ძალისხმევით შესაძლებელი გახდა აღნიშნული ასპარეზობის ჩატარება.

გისურვებთ წარმატებულ და სამართლიან შეჯიბრებას. ვიმედოვნებ, რომ მაცურებელი ისიამოვნებს ოსტატობისა და სპორტულობის გამოვლენის დაუვიწყარი ზეიმით.

გმადლობთ!

თემურ გიგნაძე  
სსკეფ-ის პრეზიდენტი

## ორგანიზატორი

საქართველოს სპორტული კარატეს ეროვნული ფედერაცია

## მხარდამჭერი ორგანიზაცია

- საქართველოს სპორტის სამინისტრო
- ქუთაისის მერიის სპორტის სამსახური და ქუთაისის სპორტული დაწესებულებათა გაერთიანება
- ა(ა)იპ კარატეს კლუბი ქუთაისი-1

## საორგანიზაციო საკითხები

- ტურნირის საორგანიზაციო კომიტეტი:
  - . გოჩა კეზევაძე, თავმჯდომარე: +995 599 944 096, ელ. ფოსტა: gocha.kez@gmail.com
  - . დავით ტყეებუჩავა - +995 577 545 777, ელ. ფოსტა: tkebuchavadavit@gmail.com
  - . მიაი მოგელაშვილი: +995595 36 32 35, ელ. ფოსტა: gsknf.office@gmail.com
- სასტუმროებში განთავსებასთან დაკავშირებით:
  - . ზვიად შალიკიანი, 555 511 179, , ელ. ფოსტა: zvd.shalikian@gmail.com

## ტურნირის მსაჯობა

- ასპარეზობაზე იმსაჯებენ კარატეს მსოფლიოსა და ევროპის ფედერაციის (WKF&EKF), ასევე საქართველოს სპორტული კარატეს ეროვნული ფედერაციის მიერ აკრედიტებული ეროვნული კატეგორიის მსაჯები და კანდიდატები.
- ასპარეზობას გაუძღვებიან, სუპერვაიზერები საქართველოს სპორტული კარატეს ეროვნული ფედერაციის მსაჯთა კომიტეტის თავმჯდომარე, ევროპის კარატეს ფედერაციის (EKF) სამსაჯო კომისიის წევრი, თათი მელუა და საქართველოს სპორტული კარატეს ეროვნული ფედერაციის მსაჯთა კომიტეტის თავმჯდომარის მოადგილე, WKF&EKF სერტიფიცირებული მსაჯი, კონსტანტინე ახალაძე.
- ა(ა)იპ აჭარის სპორტული კარატეს ფედერაცია უზრუნველყოფს მის დაქვემდებარებაში მყოფი საერთაშორისო, რეგიონალური მსაჯებისა და ეროვნულ კატეგორიაზე წარდგენილი კანდიდატი მსაჯების მონაწილეობას აღნიშნულ ტურნირში.
- პროტესტის წარდგენა - პროტესტი წარდგენა უნდა მოხდეს წერილობითი ფორმით და განიხილება მხოლოდ 100 ლარის გადახდის შემდეგ.

## ტურნირის მიზნები და ამოცანები

- საქართველოში კარატეს განვითარება და პოპულარიზაცია;
- სპორტსმენების და მსაჯების ხელშეწყობა გამოცდილების მიღებისა და დონის ამაღლების მიზნით;
- საპასუხისმგებლო შეჯიბრების წინ სპორტსმენების სათანადო სპორტულ კონდიციაში მოყვანა;
- აღნიშნულ ტურნირს ასევე აქვს, სპორტსმენთა სარეიტინგო მნიშვნელობა;

## ტურნირის სარეგისტრაციო პირობები

- სპორტსმენები ტურნირში იასპარეზებენ იმ ასაკობრივ კატეგორიაში, რომელიც შეესაბამება ასპარეზობის დღეს, 20-21 ივნისს.
- ერთი და იგივე სპორტსმენის რეგისტრაცია დასაშვებია მხოლოდ 18-20 და 18 + ასაკობრივ კატეგორიაში. შეჯიბრება წარმართება დამამშვიდებელი სისტემით.
- ტურნირზე მონაწილე პირები მსურველები (მწვრთნელები, სპორტსმენები და მათი წარმომადგენლები) უნდა დარეგისტრირდნენ ონლაინ ფლატფორმაზე [www.sportlab.ge](http://www.sportlab.ge). რეგისტრაციის ბოლო დღეა 2026 წლის 18 ივნისი. მონაწილე მწვრთნელების რაოდენობა ერთი რეგისტრირებული კლუბიდან განსაზღვრულია 5 მწვრთნელით. მწვრთნელი რეგისტრაციის გარეშე შეჯიბრზე არ დაიშვება.

უცხო ქვეყნის კლუბებმა სარეგისტრაციო განაცხადი უნდა გამოაგზავნონ შემდეგ მეილზე: [gsknf.office@gmail.com](mailto:gsknf.office@gmail.com).

ასპარეზობაში მონაწილე სპორტსმენების ჯანმრთელობაზე პასუხისმგებელია მისი წარმდგენი სპორტული კლუბის ხელმძღვანელი.

რეგისტრაციის დახურვის შემდგომ ნებისმიერი ცვლილება, რომელიც გამოწვეულია კლუბის მიერ დაშვებული უზუსტობის გამო, განხორციელდება მხოლოდ დამატებითი თანხის გადახდის პირობით, რომელიც შეადგენს 50 ლარს ყოველ ცვლილებაზე. უშუალოდ შეჯიბრების დღეს არანაირი ცვლილება არ განხორციელდება.

კლუბის ხელმძღვანელი ვალდებულია რეგისტრაციის დახურვამდე შეამოწმოს მის მიერ მიმდინარე შეჯიბრზე დარეგისტრირებული მონაწილეების სია [www.sportlab.ge](http://www.sportlab.ge) (საკუთარი კლუბის გვერდზე „აქტივობები“-ს განყოფილება);

## ტურნირზე მონაწილეობის საფასური

საერთაშორისო ასპარეზობა **KUTAISI OPEN 2026**-ის მონაწილეობის საფასური როგორც ინდივიდუალურ, ასევე გუნდურ კატეგორიაში საქართველოს მოქალაქეებისთვის შეადგენს 50 ლარს, ხოლო უცხო ქვეყნის მოქალაქეებისთვის 35 დოლარს. საქართველოს კლუბებმა სპორტსმენების მონაწილეობის საფასურის გადახდა უნდა განახორციელონ უნაღდო ანგარიშწორებით შემდეგ საბანკო რეკვიზიტზე: საქართველოს ბანკი, GE21BG000000538430942, ვადა იწურება რეგისტრაციის დასრულების ბოლო დღეს, 2026 წლის 18 ივნისს.

უცხოური გუნდებისათვის მონაწილეობის საფასურის გადახდა ხორციელდება ნაღდი ანგარიშწორებით, რეგისტრაციის დასრულების და/ან უშუალოდ შეჯიბრების დღეს.

მონაწილეობის საფასურის გადაუხდელობის ან არადროული ჩარიცხვის შემთხვევაში სპორტსმენი ვერ მიიღებს შეჯიბრებაზე მონაწილეობას. რეგისტრაციის დასრულების შემდგომ სპორტსმენის სხვადასხვა მიზეზით გამოუცხადებლობის შემთხვევაში სპორტსმენს/კლუბს მონაწილეობის საფასური არ დაუბრუნდება.

მონაწილე გუნდების ტრანსპორტირების, სასტუმროში განთავსებისა და კვების ხარჯები უნდა გასწიონ შესაბამისმა სპორტულმა კლუბებმა.

## ტურნირზე მოქმედი წესები

ტურნირი ჩატარდება მსოფლიო კარატეს ფედერაციის, WKF-ის წესებით.

ყველა სპორტსმენი ვალდებულია გამოცხადდეს მოსამზადებელ გასახურებელ ზონაში, შეჯიბრების ორგანიზატორების მიერ გამოცხადებიდან არაუგვიანეს 15 წუთისა, რომელზეც სრული პასუხისმგებლობა ეკისრება უშუალოდ მწვრთნელს, დაგვიანების შემთხვევაში სპორტსმენი მოიხსნება შეჯიბრებიდან.

სპორტსმენი რომელიც 2 წუთის განმავლობაში არ გამოცხადდება ტატამზე შესაბამისი აღჭურვილობით (კაპა, შესაბამისი ფერის ქამარი და კარატეს ამუნიცია), დისკვალიფიცირებული იქნება შეჯიბრებიდან. 10 წლის ასაკიდან „კაპა“ ყველა კატეგორიის მონაწილეთათვის სავალდებულოა, ხოლო 12 წლიდან დამცავი ჟილეტი ვაჟებში, ამასთან დამატებით გოგონებში სპეციალური მკერდის დამცავები.

საორგანიზაციო კომიტეტის მიერ დადგენილი დარბაზში მოქმედების წესების დაცვა სავალდებულო იქნება როგორც სპორტული კლუბების წარმომადგენლებისათვის, ასევე გულშემატკივრებისათვის. მათი მხრიდან არაეთიკური საქციელი დაფიქსირდება ტურნირის სამსაჯო კომიტეტის მიერ და გამოტანილი იქნება შესაბამისი სადისციპლინო სასჯელი, რომელიც შესაძლებელია შეეხოს სპორტსმენს, მის მწვრთნელს და კლუბს რომელსაც დამრღვევი პირი და/ან პირები წარმოადგენენ.

- მწვრთნელი სპორტული ფორმის გარეშე ტატამთან არ დაიშვება. მოასპარეზე სპორტსმენს უნდა ახლდეს მხოლოდ ერთი და მხოლოდ რეგისტრირებული მწვრთნელი.
- მწვრთნელები, რომელთა სპორტსმენებიც არ გამოდიან მოცემული დროის მონაკვეთში, არ უნდა იმყოფებოდნენ საასპარეზო სივრცეში. აღნიშნული დარღვა გამოიწვევს მათ დისკვალიფიციას მიმდინარე ასპარეზობიდან.

დაჯილდოვების ცერემონიაზე სპორტსმენები დაიშვებიან მხოლოდ კარატეგით ან სტანდარტული სპორტული ფორმით (ზედა მოსაცმელი გრძელი სპორტული შარვალით). დაჯილდოების ცერემონიის დროს, კვარცხლბეკთან დაუშვებელია ფოტო გადაღება არაოფიციალური პირების მონაწილეობით. აღნიშნულთან დაკავშირებით აუცილებელია სპეციალური ნებართვა, რომელსაც გასცემს საორგანიზაციო კომიტეტი.

## დაჯილდოება

მედლებით და დიპლომებით;

## სპორტსმენების აწონვები

- 19.06.2026, პარასკევი, თბილისი, უნივერსიტეტის ქ. 15ა, საქართველოს სპორტული კარატეს ეროვნული ფედერაციის ოფისი, 12.00 - 19.00 სთ.;
- 20.06.2026, შაბათი, ქუთაისის სპორტის სასახლე, 10.00-12.00 სთ.;
- 21.06.2026, კვირა, ქუთაისის სპორტის სასახლე, 10.00-12.00 სთ.;

კატეგორიაში წონის სხვაობის დასაშვები ზღვარი +1000 გრ.. სპორტსმენი, რომელიც ვერ დააკმაყოფილებს აღნიშნულ პირობას დისკვალიფიცირებული იქნება მიმდინარე ტურნირიდან, საქართველოს სპორტსმენებს სარეიტინგო ქულა არ დაეწერებათ. სპორტსმენების წილისყრა განხორციელდება 19-20 ივნისს და გამოქვეყნდება ონლაინ პლატფორმაზე [www.sportlab.ge](http://www.sportlab.ge).

**ტურნირის ასაკობრივი და წონითი კატეგორიები**

<b>კუმიტეს კატეგორია</b>			
ასაკი, წლ.	ვაჟები	გოგონები	დრო, წთ.
6-7	-22 / -27 / +27	-22/ -27 / +27	1.5
8-9	-25 / -32 / -38 / +38	-28/ -35 / +35	1.5
10-11	-30 / -35 / -40 / -45 / +45	-30 / -35 / -40 / +40	1.5
12-13	-40 / -45 / -50 / -55 / +55	-42/ - 47/ -52 / +52	1.5
14-15	-52 / -57/ -63 / -70 / +70	-47/ -54 / -61 / +61	2
16-17	-55 / -61 / -68 / -76 / +76	-48/ -53 / -59 / -66 / +66	2
18-20	-60 / -67 / -75 / -84 / +84	-50 / -55 / -61 / -68 / +68	3
+18	-60 / -67 / -75 / -84 / +84	-50 / -55 / -61 / -68 / +68	3
+18	გუნდური კუმიტე (3+1)	გუნდური კუმიტე (3+1)	3
<b>კატას კატეგორია</b>			
8-11	კატა	კატა	
12-13	კატა	კატა	
14-15	კატა	კატა	
16-17	კატა	კატა	
18-20	კატა	კატა	
16 +	კატა	კატა	
12-15	გუნდური კატა (ბუნჯაის გარეშე)	გუნდური კატა (ბუნჯაის გარეშე)	
16+	გუნდური კატა (ბუნჯაის გარეშე)	გუნდური კატა (ბუნჯაის გარეშე)	

**კატების შესრულების წესი:**

- 8-11 წელი, WKF-ის საშეჯიბრო ნუსხის კატები+ სტილობრივის საბაზისო კატები;
- 12-13 წლიდან WKF-ის კატების ნუსხიდან;
- კატას გამეორება ნახევარფინალამდე დაუშვებელია;
- კატას გამეორება შეიძლება მხოლოდ ერთხელ, ნახევარფინალში ან ფინალში;

**ასპარეზობის პროგრამა**

- 18 ივნისი, რეგისტრაციის დასრულება;
- 19 ივნისი, 2026, პარასკევი - აწონვები 12.00 -19.00 სთ., ფედერაციის ოფისი, უნივერსიტეტის ქუჩა 15ა;
- 20 ივნისი 2026, შაბათი, ტურნირის I დღე, კატეგორიები: 14-15 / 16-17/ 18-20/ +18 კუმიტე, +18 გუნდური კუმიტე, 14-15 / 16-17/ 18-20/ 16+ კატა და 12-15/ 16+ გუნდური კატა.
- ტურნირის მსაჯთა კომიტეტის შეკრება- 9.00 სთ.;
- საორგანიზაციოს კომიტეტის და მწვრთნელების შეკრება - 9.30 სთ.;
- მიმდინარე დღის აწონვები 10.00-12.00 სთ.;
- ასპარეზობის დაწყება, 10:00 სთ.;
- დაჯილდოების ცერემონია - წონითი კატეგორიის დასრულებისთანავე.
- 21 ივნისი, 2026, კვირა - ტურნირის II დღე, კატეგორიები: 6-7 / 8-9 / 10-11 / 12-13 კუმიტე და 8-11/12-13 კატა.
- საორგანიზაციოს კომიტეტის და მწვრთნელების შეკრება: 9.30 სთ.;
- მიმდინარე დღის აწონვები: 10.00-12.00 სთ.;
- ასპარეზობის დაწყება: 10:00 სთ.;

## შეჯიბრის საორიენტაციო განრიგი

2026 წლის 19 ივნისს, ონლაინ პლატფორმაზე [www.sportlab.ge](http://www.sportlab.ge) გამოქვეყნდება ტურნირის შესაბამისი კატეგორიების დაწყების დრო და შეჯიბრების მონაწილეთა სიები, რის საფუძველზეც გამოქვეყნდება საბოლოო განრიგი.

## შენიშვნა:

ტურნირის ორგანიზატორები იტოვებენ უფლებას შეჯიბრის მსვლელობის პერიოდში მოახდინონ ცვლილებები, რის შესახებაც მონაწილეებს ეცნობებათ საჯაროდ.

## ასპარეზობის ადგილი:

ქალაქი ქუთაისი

ქუთაისის მერიის მიხეილ ქორქიას და ზურაბ საკანდელიძის სახელობის სპორტის სასახლე.

მისამართი: ქ. ქუთაისი, ახალგაზრდობის გამზ. #96ა



საქართველოს სპორტული კარატეს  
ეროვნული ფედერაციის გამგეობა



*Handwritten signature in blue ink.*